

Christianissima Majestà etc. » Poi intrò in un lungo discorso, dicendo: « Se l'Imperador volesse venir questo altro anno in Italia, ne piace che la Signoria habbi ben fortificato Padoa, Treviso e Verona ». Poi parlò dil modo di haver fanti, dicendo di sguizari non bisogna far fondamento per esserne morti assae di questo morbo stato; con altre parole. E l'Orator disse: « In quel caso bisognaria Vostra Santità et Christianissimo re facesse el suo forzo per ajutar la Signoria come veri colegadi ». Disse: « Dite il vero, bisognerà meter in scrittura la liga etc. » Disse come saria bon la Signoria avesse con lei el signor marchexe di Mantoa, perchè mediante el suo Stato potria oponersi, e bisognaria far testa in veronese, aziò l'Imperador non passasse armato etc.

83 *Di Spagna, di l' Orator nostro, date a Barzelona, a dì 11.* Come, avendo auto lettere di la Signoria nostra, e di Trapano, dil Capitano di galie di Barbaria per haver lettere fusseno licentiade, unde andò a la corte, ch'è fuora, otene lettere, qual manda a l'Orator nostro in corte, di la sua liberatione, et manda incluse la copia etc. Scrive di brevi si compirà le corte si tien, e poi el Re si partirà per Valenza; et col Papa Soa Majestà trata streta pratica, qual non se intende, et va molto secreta, et se tien sarano d'acordo insieme. *Item*, il Re farà solecitar le corte a tenir nel regno di Valenza per poter passar in Fiandra etc. Noto. Scrive *etiam* al Consejo di X, *ut in litteris*.

*Di Verona, di sier Francesco da cha' da Pexaro orator nostro, vene lettere, di 2, hore 3 di note.* Come, havendo ricevuto le lettere scritoli col Senato et conferito la risposta si ha a far a li agenti cesarei zereha la proposition di la restitution di beni di rebeli, li parse era meglio tenirle 3 over 4 zorni e poi dirgela, et che domino Andrea dil Borgo havia parlato con dito orator dil re Christianissimo, el qual orator cussi ha consigliato de indusiar. Et instando lui domino Andrea che 'l volesse scriver a la Signoria, volesse questo primo servizio compiacer il re Cesareo e Catholico, esso orator francese li rispose che se questa materia si tratasse in pochi, teneria la Signoria li concederia; ma havendose a tratar tra tanti dil Consejo li par molto difficile. *Item*, scrive, lui Pexaro haver visto le richieste nostre castigate, et con ogni debita reverentia li par, auto consiglio con domino Jacomo di Fiorio dottor, orator di la Patria, che in alcune si contradiceva, però ha smiuito alcune parole et manda inclusa; et cussi ge la darano a essi agenti cesarei aziò vedino le petition nostre. Si scusa si ha conzato etc.

Fu poi leto *una lettera di sier Sebastian Contarini el cavalier, podestà di Vicenza, di 13.* Di certo caso seguito, *videlicet* di uno incendio fato in una teza di Alvise da Porto, in la villa di Chiampi, con dano di più di ducati 300 di ferri, biave, bestiamme e robe, et non è da tolerar passi tal caso impunito.

Et fu posto, per li Consieri, darli autorità di proclamar darli taja L. 1000 chi acuserà, con certe clausole: 157, 8, 2.

Fo posto, per sier Zuan Dolfin, sier Francesco Bernardo, sier Andrea di Prioli, sier Hironimo Querini provedadori sora la merchadantia, absente sier Michiel Morexini, ch'è amalato, tre parte, il sumario dirò di soto.

Fu fatto scurtinio di un Savio dil Consejo, e nium passoe. *Item*, di un savio di Terra ferma, et passò sier Lorenzo Venier el dottor, fo avogador di comun, qu. sier Marin procurator, qual è avogador extraordinario; et rimase, di 6 baloto, di sier Beneto Gabriel, fo provedador a le biave, qual è indisposto. E è da saper, dito sier Lorenzo Venier rimase per la renga fece l'ultimo Pregadi gajardamente contra la parte si meteva di far salvoconduto a sier Zuan Emo, come ho scritto di sopra, over che 'l Consejo dechiarissa che si possi meter el salvoconduto predito. Et cussi per questa renga rimase; el qual era venuto zoso per non meter balota.

Fu poi posto, per sier Andrea Baxadona el consier, et sier Marin Justinian savii ai ordeni, la parte di Patroni a l'Arsenal reformada, *videlicet* farli per 4 man di eletion, darli ducati 10 di salario al mexe neti, levarli la contumatia et darli certa autorità, *ut in ea*. Et sier Antonio Trun savio dil Consejo messe a l'incontro de indusiar a un altro Consejo per aver mior consideration; et cussi el Consejo fu contento, e non andò la parte.

Fu posto, per sier Zuan Contarini, sier Piero Venier, sier Fantin Zorzi savii ai ordeni, non essendo in opinion sier Marin Justinian, è absente sier Zuan Francesco Mocenigo, una parte di elezer, per eletion de la banca et 4 man di eletion in questo Consejo, 20 Soracomiti a 5 per volta, atento non ne sono tanti di electi etc. A l'incontro, sier Andrea Baxadona el consier, messe siano electi a do per volta in el Mazor Consejo per 4 man di eletion, come vol le leze si fazi. Et andando le parte, quella dil Baxadona non haria auto 25 balote; et il Doxe principiato a balotar, sier Domenego Trivixan el cavalier procurator disse è mal fato a far queste novità adesso, e volemo dar fama al Turco per far mover